

氏年二十三哀毀欲殉願以夫命任重忍痛撐持自是孝親撫子經理家政家致富商業人員數百氏禮賢提綱蒸蒸日進子心印聰穎工書畫依母治家專力所學氏教之曰作人以身家為重吾願汝慎疾保身汝日夜作畫觀書轉耗精神是汝所長究成汝之短又凡人累身多因濫交汝當慎疾慎交我心慰矣其善教如是性慈善縮衣節食而輕財重義凡邑中興學育才賑飢恤貧善舉無不慷慨樂輸家有叔與娣待之無畛域里有疏與戚聯之以恩誼光緒十一年子心印上請 恩允敕旌入祀節孝祠

郝氏段家寨張居德妻年二十四寡其時翁姑俱歿撫遺腹子熒熒無依遷居邑城母家族里績紡自度迨子成立為子授室不數年子媳俱亡遺孤甫三歲氏辛苦備嘗撫孫成人又為授室卒年七十五苦節五十年清宣統二年陝西提學使朱旌其門曰巾幗完人

續修大荔縣志存稿 卷十二 列女傳 二十五 陝西省印刷局印

石氏溢渡村潘曰恭妻年二十二寡子建業才二歲家貧矢志養舅撫子艱苦彌堅子成人娶室舅壽終送葬皆獨力經營不幸子中年殂孫積仁才八歲媳楊氏感姑節孝不忍異志隨姑力苦撫孤積仁稍長力勤農業家亦漸裕氏姑媳晚年獲報奉養無缺年七十四卒楊氏亦五旬餘卒守節年例皆符

卞氏邊章營康永祥妻守節四十年慕學使獎以匾額曰寒松同壽董氏大壕村党思寬妻守節四十五年黎學使獎以匾文曰松筠清操

常氏大壕營党新靈之妻年二十一而夫亡守節六十四年

姚氏東石曹村雷生秀妻年十七適雷一載餘夫歿奉姑以壽終撫

嗣子成立苦節四十餘年沈學使旌以匾額曰節孝克敦

雷氏馮村李永芝妻年十五歲于歸二十二歲守節生三子家貧如

洗賴氏十指作工教養其子守節五十二年光緒二十七年請旌沈學政頒給節苦彌貞四字准入縣節孝祠

雷氏馮村李宗業妻宗業當同治三年回民犯順膺地方團練鄉勇以禦敵戰歿氏年十九歲遺一子教養備至守節逾三十年光緒十九年由禮部旌給蘭芳冰潔字

任氏党川村王萬才妻年二十五歲守節子甫四歲氏教養成立守節逾三十年光緒二十三年葉學政獎給貞松慈竹匾額

趙氏高遷村楊玉田妻年二十五歲寡二子懋春際春均幼時翁姑尚在堂氏則上孝下慈悉由十指所出守節三十二年光緒二十五年葉學政獎給彤管流芳四字

張氏馮村強慶壽妻年二十三夫亡光緒庚子年五十一卒守節二十八十年葉學使旌以如竹有筠字

續修大荔縣志存稿 卷十二 列女傳 二十六 陝西省印刷局印

劉氏同堤村同知趙心印妻朝邑知府劉錫三女幼嫻閨訓深明大義趙氏富甲荔邑累代樂施昭昭志乘至心印才華優秀書畫造倫閨門文謙伉儷極篤琴絃驚斷柏志不渝撫嗣子步雲成立捐白金二千兩獨修節孝祠以闡幽勵俗光緒乙巳 聖廟大成殿燬於火氏捐銀八千兩資官紳重修又捐其先姑遺金一千兩完修崇聖祠文昌宮事後有司上奏朝廷封一品夫人降制褒美許以建坊旌表平日於鄉族患難緩急均率其大家風範不吝博施云

康氏周家堡武德才妻年二十一寡子甲申幼氏矢志不嫁枯貧日夜績紡教子成立娶媳生孫七氏晚節頗獲榮養光緒十九年卒守節三十八年

李氏蘇村潘成娃妻成娃者潘宗岳之從弟也氏入門時閣家九十餘口氏謙謹和順姑病煎臂以奉年二十寡無子立志守貞宗岳為

立姪五彩爲嗣殫心教養至於成立守節六十一年壽八十一卒
梁氏沙窪村馬紀太妻爲女事母孝親臂肉療母疾嫁後事姑孝姑
病復親臂肉進姑人無知之其女長見母癩痕詢之始知其詳
訓誠西顧賢村李得丙女年十四其父病禱於神割左臂肉片許和
藥煎之病亦尋愈

補編

貞烈

趙氏溢渡村潘曰乾妻同治五年曰乾卒氏年二十生遺腹子建平
家窘甚恃女工以養舅姑光緒丁丑連歲奇荒舅沒母家招之攜孤
去氏日夜苦工易餅供姑食泊姑卒子長葬親娶婦訖慨然謂己職
已盡功已成將尋夫於地下竟自縊死守節三十二年

蘭氏北莊村馬彥妻年十七于歸孝事翁姑人無間言同治八年拾

續修大荔縣志存稿 卷一 二 列女傳 二十七 陝西省中興局印

匪突至未及逃匪誘之氏痛詈匪怒縛之馬上而行氏詈不絕口至
大村邊匪以長錐刺之落馬而死

張氏北黨村姚振忠妻年二十二寡衰姑在堂家赤貧憑十指奉養
日啖蔬菜糟糠鄰里皆歎息憐憫孤身支持二十餘年姑歿料理喪
葬附身附棺備極周至姑棺入墓方填土氏以孝服撲跌隕命蓋殉
姑以殉夫志早決矣鄉保報案學政表之曰節孝完全張祿堂曾詠
其事錄詩徵

焦氏樊家堡潘家村潘建長妻職員潘敬武母也同治元年回亂氏
年六十餘矣深明大義猝見東方火起殺聲大振急謂長子敬文媳
石氏女冬英孫媳任氏等曰失節而死不如早決事急矣緩必見辱
媳等聞姑言均允姑率至井上曰此吾等全節地也督媳女投訖已
隨之下一時鄉里婦女感激義烈急迫間蟬聯而下者約四十餘人

亂後遺黎拯諸烈婦骨出莫辨誰何公葬一家光緒三十四年焦氏
孫潘遂生爲其祖母等刊有碑記餘人烈烈精氣赫然如觀也

錢環中漢村胡考績之女年十五歲值回亂偕母避於破屋中賊至
逼去女抱母號泣終不釋手賊怒刃刺其母女伏尸旁痛哭且哭
且晉遂遇害時同治元年七月某日也

劉氏高陽里高歡起妻年二十歲遇賊將污之以衣蒙其面氏奮力
極口喊罵賊恨極以刃刺死

武氏東漢村貢生姚鼎甲妻于歸時年十九深明大義相夫無違同
治時髮匪變亂逼極投崖而死

拜青娥興平村拜維義女同治元年回叛入村焚殺時女十六歲許
字而未婚突遇賊立逼弗從賊遂執女縛馬上女罵愈烈賊誘以甘
言弗聽賊怒以長矛鑽刺之墜馬下肝腸皆流出而死

續修大荔縣志存稿 卷一 二 列女傳 二十八 陝西省中興局印

續編

貞烈

王氏雷家寨雷蔚森妻年二十歲夫亡無子痛哭不食哀毀捐生鄰
里呈報學使慕入奏獎以心貞志烈四字

張氏新莊寨趙新祿妻年十九夫故極在堂尙未殯殮氏身著孝服
潛自飲藥死於柩側

王氏黃家莊張家堡張永川妻光緒二十四年永川與人傭工一時
馬逸車奔被碾死氏聞信哭往悲憤填胸時年二十五歲竟服毒而
卒

雷氏西仁莊張賀妻夫少亡氏年十七兄震亨性慧中武進士開賀
筵氏歸寧震亨對父大言妹孀居何豫慶事氏慨然曰妹志也遂歸
投井以殉年二十二歲學憲表以貞烈可風字事在光緒八年

淡氏北莊村王四兒妻四兒祖遺頗裕性放蕩極耗費氏嘗苦言勸阻弗聽繼以泣跪終不悛氏不忍見其敗亡慷慨自經冀以尸諫四兒竟執迷不悟終以喪家困窘而歿

張氏東高原生員王麟慶妻似仙渠貢生張兆乾女年十七于歸事翁姑維謹夫家度日甚約氏體親心米薪毫不敢妄費翁姑賢之姑性嚴厲氏極意承奉無敢稍懈翁時憫其勞勸止之氏則竭其誠敬數十年如一日家居鐵鑊山上井水深三四丈每天雨姑輒飭媳就簷溜下洗衣雨愈大則洗愈勤氏中濕得拘攣疾不良於行然每至母家未嘗一語道及年久母知之則解曰村皆然不獨我家也後夫弟娶婦與氏日同甘苦弟婦每不能堪氏暗勸導謂大人嚴厲後輩乃不至習惰弟婦少安之然積久弟婦終歸母家數年不返氏一身支拄愈益焦勞然始終甘之光緒二十一年夫得痼疾年餘莫能續修大荔縣志卷十二列女傳 二十九 陝西省印刷局承印

興氏扶掖左右備極辛苦至質簪珥償醫藥後竟大漸以卒氏年二十九母往弔知氏性烈必殉至則似無甚戚容私問曰汝今遭此變將若何氏無言再問終不言母審其志決泣然曰吾家祖母年高汝父只一子一女過憐愛汝汝兄赴京會試未歸手足情篤汝決隨夫完節吾一家之悲固不足計惟汝翁姑齒衰孰爲而夫彌先死之憾汝向明道理慷慨易而從容難可不深念之乎氏良久不言泣下如雨既而失聲曰母教我矣謹受命乃縗經成服殮葬如禮迨後奉翁姑較平時尤有加姑先卒哭之慟及翁病垂危謂氏曰似汝賢孝迥絕俗流死者如有知也吾歿後當徧訴神天錫爾無疆之福稍酬爾半生辛苦氏泣曰兒婦孝職多愧翁過譽折兒婦福矣先是夫之喪翁命氏撫姪京科爲嗣焦勞况瘁過於所生泊翁姑歿子已長爲娶婦生子氏以夙中溼疾晚漸劇艱動作多在母家母亦年衰臥床氏

以殘廢之身猶侍側扶掖母卒前歸家得凶耗竟自縊以死蓋平生有志不欲以廢疾終累兒夫婦也兄舉人樹樓聞耗哭臨面色如生頓足曰以妹之賢而竟以此終天乎人乎良可悲已歿三年嗣子謀賢碑表實樹樓爲文道其狀私諡曰貞孝夫人之墓

補編

賢婦

師氏胡村史謨妾嘉慶閒人嫻禮法敬嫡室爲謨所重顧性慷慨好義不屑屑校錙銖家固富每勸謨散財周卹里黨尊崇聖道自輸私貲購地設義塾仿照縣書院規模奉師脩脯頗優肄業者人才輩出惜同治初花門之變房屋被毀其後人式微竟改其地爲家墳焉

趙氏溢渡村潘汝梅妻姑病篤氏醫藥侍奉維虔汝梅性豪俠好賙卹氏勉以設義學培植人才夫早亡氏維持家政嚴督二子清太庚

太讀書且勉以從當代純儒受業以學成高尚人格轉易風化其勤儉立家慷慨好義當代君子皆稱許之

馬氏義井村王應德妻邑進士應午妹也年十七于歸翁時貿易廣東夫亦隨之同治元年回叛鄉人四出避亂氏以姑老未行賊至喊殺氏以救護姑被斫傷一指終堅抱未釋手賊贊其孝舍之去次年翁以嘔血疾歸遷延年餘氏躬侍湯藥竭誠盡敬迄翁姑先後歿喪葬盡禮佐夫理家政井井有條賦性慈祥好行其德村中嘗有二人借衣典質其質肆忽被焚如二人情人懇以由房作抵氏諭子生員錫九等曰二人借衣物爲養親娶妻大事故我慷慨檢付今變出意外此有數存非若等咎母以此介意立取券焚於當前其人感泣謝去平時於乞丐之老幼尤加意周卹惻隱滿腔隨事觸發年入旬目力不衰穿針織紡不遜於媳行不曳杖壽入十三而終子孫多人俱

嫻母訓家規肅然不衰

李氏楊村尚大鵬側室贊襄嫡長素著賢聲大鵬欲創修家祠未逮而卒氏成夫之美獨力擔任購基址建房室正堂三楹門房三楹左右翼以長廊規模完備又捐地百畝定地租減常數每年清明元日祭費及輸賦葺房外所有積粟以備荒歲賑濟族人如族有孤窮無依者得住廊室量給儲租又捐地一十五畝作經理人常年薪俸事在同治八年迄今氏歿數十年族人感其德每逢清明特造祭膳一席齋其家祠祀氏夫婦焉

續編

賢婦

張氏楊村李賦得繼妻于歸時前室遺子汝賢女一撫之備極周密數年氏生子女視前室子女倍篤毫無間言汝賢既長將娶鄉里以

續修大荔縣志存稿 卷十二 列女傳 三十一 王夫前印刻前年

繼母之嫌無肯字者氏慨然求其兄以女妻之汝賢夫婦感氏慈孝敬倍至氏每論曰世俗婦女嫉前室子詎知夫之子皆吾子果善待之前室子豈無天良者吾今繞膝承歡何有前後之異哉夫兒性果劣即己生者亦何可愛兒性稍良即前生者亦何不可聯以至誠必苛視前子以傷乃父之心而慘亡者之靈果能必己生者為令器乎愚婦淺識吾不解其何心也鄉里士紳皆贊為名論云

王氏廝羅寨石運成妻性慈惠姑以病歿遺子甫月餘翁以子與人約某日抱兒去氏泣請翁曰有媳撫養翁勿憂遂以乳食釋弟別以糖和麵淪湯食己子事翁極孝家雖貧衣服飲食必竭其力之所能至晝夜績紡助弟讀書膏火之資不使缺乏親愛如母子鄉里靡不稱其賢者

馬氏馬坊頭從九品張煥成妻年十七于歸時煥成長兄失偶季弟

四皆幼弱薄田九畝氏才德兼優佐夫立業撫諸幼弟以恩舉家力勤為長兄續絃諸弟成婚籌畫備至家口至四十餘人內政一惟氏是賴耕讀分職督之嚴而待之優一門之內秩序肅然煥成嘗語人曰吾每有忿激則吾妻和解之吾每有疏懈則吾妻勸勵之家運之蒸蒸日上吾內助之力為多也子榮昌邑武庠生氏壽八十一卒子姪孫曾哀毀如一焉

王氏三里村賈春芳妻精敏幹濟迥出庸懦春芳少游蕩不善治家父亦雙目失明繼母不耐勞氏歸後常斷炊感憤力苦微其環瑱耕稼紡績晝夜操作無間自奉極儉約而養親絕不苟且每有與商市交涉事以杖曳替翁往翁坐而氏與商人酬答詞嚴義正無敢欺犯者事訖曳翁歸一時巾幗丈夫之名噪甚逾二十餘年翁姑歿春芳慚悟知營業焉

續修大荔縣志存稿 卷十二 列女傳 三十一 陝西省印刷局印

梁氏似仙渠貢生張兆乾妻父翰冲為邑名宿氏天資敏粹幼即純孝善承繼母意志父教之讀書二年即通毛詩並唐宋詩數百首父曰女子讀書講明四德年慚長當習女工以詩書陶淑可也氏遵訓維謹于歸後曲承舅姑最得歡心夫有姊適曹氏早寡常依母家氏奉之如姑夫患痔疾躬滌穢污八年無倦子樹標當童齒即教以詩書樹標化於母訓進學最速同治九年叛回至室廬被焚時舅歿姑老氏百方慰解密防愁病教子慈而嚴不使染紈袴習劫後家中落氏即借以警其子謂貧賤憂戚玉汝於成只要學得聖賢人格與外祖增光功名亦身外物也樹標遵其訓卒舉於鄉春官不第氏不以得失喜戚惟最以端品績學生平事親以孝教子以正禮法持家慈祥處世養成太和壽八十六終

向氏保合寨睦茂興妻于歸時家窘甚時翁姑在堂夫營商出外氏

一身擔家事自持儉嗇而孝養未敢缺乏當回變時奉親轉徙艱苦莫可名狀寓埧頭村客中猶供其子煥朝讀書性慈善習醫小兒病症推拿鍼灸應手多效鄉里每感其德茂興營商四十餘年無內顧之憂煥朝既富氏教以廣作善事自是以慈善傳家至孫庠生振邦體其祖父母本心宏拓慈善宗屋提倡同郡紅十字會疲精輸財被舉為會長樂行其先德焉

何張氏東大村何維蕃繼妻光緒二十六年大飢氏遵其姑李氏丁丑捐賑家風於是冬輸麥三十石豌豆三十石加賑凍餒貧民以補倉粟之不足

王氏東埧橋村生員張星獻妻幼慧明女訓于歸奉姑相夫恪盡婦道造膳饌不必珍品而精潔滋味能博堂上歡慰剪花刺繡妙絕一時鄉里有勝會需文明美飾者經氏手製造點綴觀者無不訝為精績修大荔縣舊志存稿 卷一二 列女傳 三十三 陝西省印刷局承印

緻生色性高雅儉質星獻遭兄異趣析產僅得房四楹田十畝氏但知引咎絕無嫌怨星獻讀餘耕種氏則助把鋤犁設教授徒氏則專精鍼術晨作夜績無日休暇曰吾夫婦力勤可以補析產之缺矣一子懷清氏愛如拱璧而琢磨彌切女二嚴厲亦然懷清少即儒雅人皆詡為名門善教星獻性孤介甘貧氏效萊婦之高歡然偕隱年三十餘竟積勞病卒懷清每述母德輒嗚咽下淚云

壽婦

田氏蘇村潘守城妻恭謹和平力勤不懈潘氏盛時舉家九十餘口氏一一調和無稍抵牾與節婦李氏為妯娌尤尊敬之今九十餘歲猶早起操作子孫阻之不得人謂其壽根於性寬力勤云

劉氏胡村王蔚秀妻年三十寡安貧守志撫孤成立年九十餘猶健劉氏洪善村曹自聰妻一子萬年氏恪守婦道慈惠勤謹年至垂白

而視明聽聰精神倍健光緒三十三年卒壽一百有二歲伍氏吳有德妻樸誠勤慎夙有賢名生平醫道別有會心醫治男女老幼全活甚衆年九十終

楊氏城內何師鍊妻克勤克儉代夫理事家政井井有條戚黨慶弔各事竭力盡情子福堂孫銀煥銀緒均業商有孝行氏年九十一終

王氏韓和初之妻南平原坊人光緒五年卒壽九十四

績修大荔縣舊志存稿 卷一二 列女傳 三十四 陝西省印刷局承印

續修大荔縣志存稿足徵錄卷一

事徵

補編

明嘉靖三十四年十二月夜地大震城內屋宇傾圮殆盡惟城東南隅之紅樓暨遊善巷口之觀音堂無恙故顏之曰古紅樓古觀音堂云

按舊志熊周志以前統名舊志載李自成既據西安提兵突入同州聲言聽牛

金星語且不殺人諭令將各紳衿牌樓概行拆毀勿阻其路以馬文莊祠為行嚆指云此人尚可留其坊區旋將房屋焚燬殆半各處墓木砍伐亦淨合城居民逃避四散自成越十數日始去今府署前沒頂石牌樓相傳亦係文莊公坊經李自成拆毀其南兩坊尚俱完好志載各情事蓋信熊志刪削此條致後人無從考證因補誌之嘉慶

續修大荔縣志存稿足徵錄卷一 事徵 一 陝西書局印

二十五年大村商人朱錫林由蜀歸念舊曾營業於毗境渭南縣孝義鎮巨富柳全璧之商肆往省之全璧憤其去已肆晤面逼清尾欠微金錫林懇緩璧怒喝羣工毆之斃命璧賂渭令徐潤以自跌身死立案招林妻領屍欲豎以金了事妻不應璧令薄棺送屍錫林族人拒於村西送者棄棺去族人權厝之林妻上控撫院委他縣令姚洽另審璧大行運賄巡撫布按無不歡洽姚令承憲旨飭役喚林妻赴審適林妻產遺腹子未月役威逼致驚風母子雙斃林妻弟馬某屢控洽錫馬完案馬不具結瘦死獄中彌大冤憤無路哀籲林姪先寧商於蜀適歸時宣宗己改元逾年族人醜貨怨之扣關先寧慨然行抵京茫無門徑書冤狀一布負之日號於市喇嘛某屢見之生憐為籌策約某日皇上例來寺升香若膽大埋冤狀爐中阻香枝則狀現若冤可鳴寧叩頭謝即以其日詣寺埋狀於爐已伏案下上至炷香

狀出搜之得寧天仗森嚴以犯駕鎖拿論殊死先寧不少動上晒曰

真大膽引前審訖詔弛鎖交刑部解回籍時渭南王松年官御史起

復入京聖駕歸召松年問此案松年據實對詔欽使那澤堂赴陝查

訊欽使臨原厝地會官吏啓驗屍經數年未腐毆傷亂點如新欽使

奉天命無敢欺飾奏上上大怒詔下刑部議全璧罪全璧鞏金朝列

以四命而僅擬絞死先是全璧有幹僕王某此案歷次堂訊皆王某

對質全璧高枕金屋若無事然自京控發作欽使遙臨先寧力抵全

璧始屈躬受讞命下行刑全璧重賄以金東喉得不絕命大荔縣令

鮑珊者清正絕賄時在刑場下椿時細審未死啓驗之見金東報欽

使以足鞞連築其腹而氣絕洽潤等輸贖論成巡撫二司降革有差

巡撫為朱勳出身縣丞恃其陰狡善媚計遣其妻騙某按察甥女為

繼賁緣至巡撫指目之者曰雙料曹操以朱柳案褫官人爭快之先

寧自冤伸歸里里人以大膽為皇上所呼名遂皆呼先寧為朱大膽

此案金錢氣燄竟灼死四命董熱大僚然終無救於兇徒之死錄之

以昭炯戒

續編

光緒六年夏麥大熟未獲雨雹由西北而東南厚可五六寸麥豆被

打落男婦操箕帚掃簸者日可得二二三斗夏午後日食既星辰皆現

七年豐稔臘月二十四日大風雪須臾溝壑皆滿車行不及避埋沒

其中雪融後始覓得家家門外如堵牆不得出

八年麥豆熟秋亦中稔知縣陳公兆煥勸儲義倉積麥二萬餘石後

每年出陳易新易以穀豆積至三萬餘石二十六年之凶荒不至大

害者陳公之力居多六月朔天槍星見於乙方年終直過午宮未幾

滅

九年夏洛水溢

十年夏秋熟自六年至是連年收成麥石價銀入錢農民歎熟荒焉

十一月三十日夜半地先吼隨震

十一年十月二十二日日將入大星隕於西北是夜星隕如雨浙瀝

有聲

十五年喉症大作傷人無算甚有全家殄滅者

十七年春隕黑霜麥豆歉薄

十八年中稔九月十四日大雨雪十一月極冷凡河池渠水凍堅如

行平路

二十一年秋甘肅河州徇亂陝省戒嚴吾邑整備城防鑄大礮儲火

藥修理城垣增城上巡舖更房二十餘所

二十五年中稔

二十六年麥歉薄夏秋不雨十一月微雪有種豌豆者亦皆不熟

大飢麥石價銀由五兩漲至十五六兩知縣汪公長青稟請開倉按

極次貧計口授糧捐廉設粥廠又蒙兩宮西幸豁免本年應征錢糧

三萬四千兩有奇次年頒發帑銀三千兩南米五百石又續撥南米

二百五十石民賴以活此固天恩高厚而亦賢令尹與有力焉頌汪

公之德尤追思陳公先事預防於不置也

二十七年三月十七日夕天起東風歷十八十九二十狂吼三日沙

土飛空散入屋廬積寸許天色忽黃忽黑忽赤行旅裹足先是沙脈

止渭南所轄之寨裏村此次風定徙至寨裏之西里許五月甘霖降

秋大熟九月十五日雨雪天驟冷

二十八年秋洛水溢渡村潘建壽之妻一產三男以無力覓乳俱

殤

三十一年十一月十七日匪人趙拾子等糾眾搗毀福音堂官鹽店

官錢局幾釀教案陳公潤燦拿獲正法得以無事

三十二年秋霖雨五十餘日渭水泛溢沙苑徧地汪洋淹沒禾稼無

算報災減賦東西大村之中古有永濟渠一道乃龍池菴一帶沙水

迤邐東南而來經此渠直南入渭周志有圖但沙水無源惟霖雨則

發渠上舊有橋曰永濟橋跨於官道年久淤塞惟石椿外現每水大

發四面橫溢坍塌屋灌墳墓延至清末迭遭水患徒喚奈何

三十四年西小坡村李潤榮之妻一產三男因乏乳不育

宣統元年夏秋中稔

二年霖雨渭水大溢北胡村渭岸南倒崩至南胡村淤出沙灘數十

頃一白廣漠不能生植南莊南北胡三村分受其害是年彗星屢見

三年夏天將曉彗星見於東北尾長數十丈五閱月而始沒九月朔

日鉉張鳳翹舉義於西安省城文電由此斷絕二十七日蒙平法以

秦隴復漢軍名義由潼關自東門入同日陳得貴亦由西門入從茲

以後吾邑遂為國民軍駐防地矣各鄉舉辦民團羌白鎮突來土匪

十一名意圖搶劫經團紳何振聲等拿獲正法又長安屯一帶土匪

蠢動經團紳高維嶽拿獲正法風聲所播各鄉賴以寧謐臘月二十

五日清帝遜位

續修大荔縣志存稿足徵錄卷二

文徵

補編

北魏

請移州治表

元魏宣武帝永平三年宗室安定王元燮為華州刺史蒞任之初以所治之地形勢不及故馮翊之勝欲移之上其帝表

曰

謹惟州治李潤堡雖是少梁舊地晉芮惠壤然胡夷內附遂為戎落城非舊邑先代之名爰自國初護羌小戎及改鎮立郡依嶽立州因藉倉府未刊名實竊見馮翊古城羌魏兩民之交許洛水陸之際先漢之左輔皇魏之右翼形勢名都實惟西蕃奧府今州之所在豈唯

續修大荔縣志存稿 足徵錄卷二 文徵 一 陝西省印刷局承印

非舊至乃居岡飲澗井谷穢雜升降劬勞往還數里諄諄明昏有虧禮教未若馮翊面華渭包原澤井淺地平樵木饒廣採材華陰陸運七十代木龍門順流而下培削舊雉功省力易人各為己不以為勞昔宋氏無井穿井而欣得人况合城無水得水而家不慶乎竊聞前政刺史非是無意或值兵舉或遇年災緣此契闊稽延至今去歲已熟秋方大登四境無事京師晏安丁不十錢之費人無八旬之勞損輕益重乞垂昭鑒 詔報曰一勞永逸便可聽移

五代

移文宣王廟記

馮道

清泰中道初領鎮之時徧謁廟之際再拜 宣聖久立荒祠後臨街而地位窮前逼城而日光少羊觸藩而來者衆豕負塗而去者多雨信納汚風知逐臭願以濫為弟子忝作公侯得富貴而因詩書擁旌

施而輕俎豆何以為漢相何以見魯人遂申如在之誠別卜維新之

所乃移於通衢之北在馮翊縣之西龜筮相從官吏相和不煩隧正

不擾里胥不妨農不害物春鋤者植幹者斧斤者繪者一無闕垣墉

棟宇樓櫓階序門屏一無闕自山龍已降至絺繡一無闕河日海口

堯頭舜項之相亦依然其文也布在四方其教也傳於萬代依其教

者順而正違其教者逆而邪德與天地齊明與日月等昔賢云自生

人以來未有如夫子者也非此心此口而可稱讚時以拙於為政昧

於立功民未蘇而責躬廟纒成而赴闕別離七縣倏忽十載今又此

來固非所望手持龍節顯奉新恩目覩象環虔瞻舊制於漆沮之地

有洙泗之風念伯魚之學時可知家法想祖龍之焚處自墜皇圖今

逢下武之時無失上下之節公卿愍睦侯伯皆忠將戢干戈永安宗

社文武之道邦家之基共分宵旰之憂同保車書之運老夫之幸明

神所知謹以崇儒移廟之懇紀於公門南之左時開運三年正月十

五日記

按此記前志均未載豈薄其為人歟然時代屢更金石易碎自茲

以往安知不撫斷碣殘碑同深考古之慨者乎補錄之亦不沒其

功云爾

重修清涼寺碑記

朝邑 韓邦奇 苑落

清涼寺址在馮翊西南四十里蘇村之左正殿一座供諸佛像後高

為觀音殿□□□古佛堂前下為天王殿又前為金剛殿又前有

山門焉東西兩序皆僧舍僧百餘眾寺旁舊有甘泉前匯為池有荷

有菱有鯽有鯉餘水灌□□□古柏□鶴□□□蔽日世傳

北魏時所建雖典籍不存其規模勝概非北魏時不□建也堪輿家

謂寺地如龜形前有池乃□靈龜飲水□□□□□□□□□茶

謂寺地如龜形前有池乃□靈龜飲水□□□□□□□□□茶

謂寺地如龜形前有池乃□靈龜飲水□□□□□□□□□茶

物不必珍利用斯善事不必奇誠動斯感豈其香阜而唯勝顯豈其象教而以微掩 猗與茲菴左馮之右 數椽維陰以聚攸構 麗謝金碧華微雕鏤 有馴其鶴有嶺其鷲 丈六所現尺地金繩曇花斂瑞貝葉衍雲 瀾瀾慈航烟烟慧燈曷迷弗燭曷岸弗登 芘芻闡化州易炎涼檀越飯依何用不減 懺諸根業降福禳禳上延國祚下篤家慶 我是用嘉勒詞誨後 昔上崇禎歲德庚午其月上冬吉日惟戊 恆河一沙 天地悠久

同堤村關夫子廟碑記

王四服

聞之聰明正直而一者為神若生不識忠孝字則是不聰不明抑二三其德則正直也不一一靈既昧何神之有惟我

關聖起自草莽志在漢室匹馬單刀衝突于羣雄竊據之間縱橫極流離顛沛而一點為漢之心有死無二倘亦讀春秋而行尊王之旨

續修大荔縣志存稿

足徵錄卷二

文徵

五 陝西省印刷局印

敷春秋繫王於天關聖則繫王於心異姓同胞結一時之肝膽孤忠大義昭萬古之君臣漢之末季為臣而知春秋者一人而已昔春秋作而亂賊懼三國亂賊無過曹瞞至敢於窺漢室戕母后獨於關聖敬之畏之如雷電鬼神至今千載下凡存曹瞞之心者寧忍於對君父必不敢於對關聖若刃未加頸而先已誅心豈非正直而一默奪奸邪之念以激發忠義之良於天下後世也哉記曰有功利於民者祀之嗚呼生為漢將丹心與日月爭光歿作神明正氣並乾坤不朽歷朝懋尊崇之典到處切尸祝之私於茲肖像既千古如生用是迓休復一辭莫贊值乙酉孟春建祠伊始至丙戌季夏享殿落成爰記厥初以垂諸後暨捐彼朱提之衆並載此立石之陰云爾

重修停雲寺碑記

石昌宗

寺在同州城東十里許曰長安屯籍隸潼關衛南屏華嶽東帶黃河

沙苑沮流回合掩映固左輔之雄觀也是為大司馬少師任吾王公故里即公所創建公與余稱忘年莫逆嘗為余作屏華閣詩序謬以楓落見賞把酒論文談空握塵無旬日不謙集送客留髡恆遊息於此此時金碧莊嚴琉璃輝映宛埒都會嗣後兵燹之餘少師亦仙去寺隔闈外僧移祠中已蕭條不可觀歲壬寅七月更霖雨連月垣堦棟欹鼠雀爭宮蝟蟻織戶又成牧豎之場矣曩昔檀越俱為古人後之繼述各有營為奚暇念之昔人所云禪宮亦消歇人世轉堪哀信然哉有上人淨瑋者昔年少師所延挂錫寺中今移住祠堂者僧行頗嚴遠邇歸心感盛衰於今昔嘆更變於滄桑於是慨然思肩其事內竭己囊外化人緣淨域是謀資身非計昨甲辰春經始葺其傾圮補其未備師弟孫輩半百其指拮据勤劬不二歲工匠告竣正殿四楹後殿六楹東西真武伽藍殿各四楹左右禪室暨山門各四楹僧續修大荔縣志存稿 足徵錄卷二 文徵 六 陝西省印刷局印

寮入間四周垣牆九十餘堵輪奐改觀視昔增麗門外茶寮三間係新增招提之南不數十武地界同朝先司農大夫之墳墓在焉兵戈後余移家鏐陽之漢堡每歲拜掃必經過小憩瞻禮少師遺像避蓬上人焚檀煑茗皆以祠廡為文室茲歲仲春上人詣余索言以記其事礮石既就余不得辭然深有慨於中也曩公錦遊里中時冠蓋闐閭輪蹄輻輳其爭為登龍識荊者不知其幾而佛宇亦藉有光輝不數十年交遊路人樓臺瓦礫時移物換燕入人家即無寵辱之如來亦自塵蒙色削今得仗僧力重葺紺目白毫亦復忻忻有喜譬之零落巨室一得佳兒門戶焜耀雖云成住壞空理之固然而精進情竅亦存夫人之自處何如耳余甚為上人善之異日者雀舌龍涎策杖落成與上人談淨智妙圓體自空寂之學則今日之功德達摩髯胡不得同梁武而概無之矣

同州節烈題名碑記

李子燮

郡刺史武鄉趙公治馮翊之七年忠孝節義以次旌別勝諸節婦姓氏於杜公祠之東偏郡人相率鑄石以永其事盛典也往直指使者按部孝子節婦各為一冊使竣上其事旌揚有差勒為令甲凡以昭勸戒闡幽芳長吏以厚風俗朝廷以培倫紀皆於是乎在及考郡志所紀自明初迄於今寥寥僅數十人寧昔人慎重厥事毋以幽蘭自芳而泯沒無聞者多矣天下事率以易成以難廢千秋節義或顯於當時或彰於來積直道在人斯民難誣是舉也上列郡志所載中列今茲所舉空其下方使後有繼起嗣而續之備采風者省錄云康熙八年秋七月

按此碑文前後志均未載今補錄之

募修焦仙祠引

長州人龍安知府 莊學和 小鶴 豐登書院山長

續修大荔縣志序

三徵錄卷二 文徵

七 陝西省中制局承印

同州府治東南隅舊建焦仙祠故碑載焦仙號道廣周武帝時隱太鄉老王之濱華雲臺峯辟穀食霞有二青鳥報未然事武帝親詣山庭訪道置雲臺觀忽乘麟去而不返明內江鄭公壁由僉憲左除同守向人言余初弗子夢一人稱焦雲臺攜二男左額有黑斑曰以此報德旋果孿生兩子斑額宛然今登鄉薦領度支余謁雲臺觀始知三十年前所寤者仙也因建祠本觀以誌焦仙現化真容豈不異哉同人曹運亨禱而得嗣王之儼祈靈病愈諸生魏國光等乃公建祠於城隍廟之左以六月六日為香火會期謀祝雜選弗子者子矣弗壽者壽矣係康熙七年歲次戊申五月知同州事古皋狼趙三麟撰文勒石雍正八年仲春信士李文馴王經等重修拔貢王道亨記由來久矣予稽京口有焦山漢末焦孝然諱先河東人隱居在上結草為廬三召弗起露處石岸風雪晏如蔡邕作焦徵君贊塵外編云焦

於曹魏受禪時正坐河之湄冬夏裸不著衣臥無席蓐以身親土垢汗如泥數日一食閉口不言行不與女子交視野火燒廬袒寢如故後百餘歲仙逝安知道廣非即孝然化身乎廟仍故鄉亦固其所乾隆季夏大雨聯綿簷穿壁倒上漏下溼蓮座俱淋水痕矣能無觸目寒心耶伏願仁人君子齊舉眾摯集此版裘羣挹浮邱之袖抽些莖草共攀蔡誕之鋤庶絲瑞陟於百男西方萃美抑結蟠桃於千歲南極揚輝行看青鳥報來佇待綠沉揮就請登芳名於左

拜忠獻公奉旨入祀記

集原呈及題奏

朝邑

李元春 時齋

竊思蓋臣報國功烈雖顯於當年聖主褒賢旌表不遺夫前代稽芳踪於往牒景仰恆殷溯懿範於維桑馨香是冀若拜忠獻公元之世臣也考元史自忠宣孔温窟哇佐太祖傳忠武木華黎忠宣李魯俱封魯國王武靖霸都魯忠宣安童忠簡兀都帶蓋七禩而至忠獻俱封東平王誠所謂世篤忠貞與國同休戚者而忠獻為尤著輿樞忠獻公忠孝廉節者其品也仁孚道德者其量也為仁宗之佐有上相平江之封鞠躬盡瘁雖昭彰於一時効命分猷未聞著於百世故縣教諭劉學師等稟增附王連等與縣尊鄧府尊徐道憲鄂藩憲鄧撫憲鄂制府那學憲張同心申奏協力具題一謂忠獻公立朝著一德之風退食凜三畏之義豐功大烈士不絕書諫蓋言更僕難數著芳型於一代垂大節於千秋繼乃祖而受封卓然象賢之子佐其君以致治魏乎社稷之臣致命成仁五百載風規猶烈明禋闕祀千萬年精爽何依一言剛正立朝忠貞成性奏行裕禘諫結綵樓東宮避嫌明君國之大體南坡殉難表臣道之孤忠勳名著於竹帛後嗣遺於蒞土禮祀未舉靈魂何憑應請崇祀以慰忠魂一言在至大延祐間筮仕數十年忠清為懷獻替是任引君當道處順則正色立朝嫉

惡如仇臨難而從容就義勳猷丕昭於二代褒揚宜仰夫三朝一言性秉正直世作忠良致君澤民既謹凜而納諫懷忠効節復慷慨以捐軀尊崇已著於當時格享宜邀夫曠典謹凜禮部本奏伏乞聖鑒蓋自道光五年十一月二十四日奉旨於天庭准行馮翊即將忠獻公列於大荔縣忠義祠內設位致祭題名石碑俾得流傳永久並飭後裔遵照例條惠於宗公時享萬代行於祖廟廕生六名俱應奉祀恪守毋違謹誌

創修節義祠碑記

署理同州府事監利 余庚陽

我皇上聖武天挺義征不憚掃清遺孽又復褒獎節義自軍興以來所有男婦之殉難者一經入奏罔不立降綸音予以旌卹並令建坊立祠恩至渥典至重也秦中自花門變起同州男婦率多抗節不屈致被戕害而節義祠則未有立者前此大荔紳耆以回民禮拜寺稟

續修大荔縣志存稿 尺微錄卷二 文徵 九 陝西省印刷局承印

官批准就此修祠嗣因經費不足未果予履任後接見紳耆言及此事維時候選同知李君春源稱有呂宜人者係其已故出嗣胞兄候選同知春三君之妻聞此工未興願捐家資爲之用是鳩工庀材土木俱興經始於同治八年十二月至九年三月厥工告竣又以春秋享祀不可無資復捐銀兩發典生息以備支用而義舉乃底於全予惟表揚節義實關世道人心呂宜人青年矢志節凜冰霜仍念殉難男婦思有以妥其幽靈建此祠宇並隆享祀其淑性之好義實有由於貞心之興感者昔海州劉媛以家財免下戶之賦並散施貧民誠爲義舉惟其以麻青錢助修佛道觀宇則未免尙狃於異端布施之說茲呂宜人修此祠宇實有裨風教關乎世道人心之大其微美顯章殆過劉媛將來朝廷區明風烈率昭彤管實可爲呂宜人卜之矣是役也舉人王君永年例貢李應關爲之總理其監工而採訪者則

藍翎候選郎中宋君佑文候選同知馬君沛登暨舉人成君錦章康生王生寶卿也是爲記

繕呈荔渭地界各據並委員籤駁情形稟 周銘旂

查荔邑西南五十里與渭南昆連喬店即其分界處詳載府縣各志並亂前徵冊暨附近村莊遠年檔簿皆確鑿有據前經稟明在案嗣又逐細查訪毫無可疑業蒙候補府曹守奉委督勘茲於閏五月二十三日復帶同隨員李令由渭來荔論稱西安府函開轉奉憲台面諭飭令調飭各據細加勘核某縣案據確切即將地畝撥歸某縣如皆在疑似之間即代爲斷決稟請立案等因遵將府縣志並亂前徵冊檔案等實據逐款開列備文齎呈旋奉一籤駁仍即查明登復未蒙籤示曹守即於二十六日帶同李令由荔赴華其如何斷決稟請立案之處自宜聽候鈞裁曷敢嘵嘵置辯願不能不詳爲剖悉者茲續修大荔縣志存稿 尺微錄卷二 文徵 十 陝西省印刷局承印

渭交涉之地喬店是其最要關鍵不惟縣志有之府志亦有之且顯言西南至渭南縣界五十里稽道里則相符考界址則不誤故足憑也渭人倡乾河爲界之說志乘既無明文而徵之喬店一村亦殊窒而難通查喬店在乾河之東而實在渭人以沙水渠爲乾河之西以乾河爲界則河東皆荔屬而喬店不應爲渭有何以處渭志之有喬店以非乾河之乾河爲界則河西皆渭屬而喬店不應爲荔有何以處荔志之有喬店渭人欲據喬店而獨有之而礙於乾河之難通其說遂以乾河東相距數里之沙水渠爲乾河意謂據是爲界不惟半屬渭半屬荔之喬店俱爲渭有即附近喬店之禹家及禹家之新莊等八十餘頃之地不難盡歸於渭然究無解於喬店之實載荔志於是誣荔屬之郭家村南回民所遺莊基以爲喬店新莊謂荔志所載即此勿論並無喬店新莊其地即有之志內非喬店新莊乃喬店也

且該村西南猶然荔境參觀府志里數既不相同又與所言渭南縣界者齟齬不能合况欲藉此使喬店不為荔有而禹家及禹家新莊等處勢不能一一別指其地以實之則喬店不獨為渭有而附近喬店諸村之不屬渭而屬荔終無以易也夫乾河故址猶存也沙水渠之非乾河不得以口舌爭也即強以沙水渠為乾河而喬店之不獨為渭有而兼為荔有者又昭昭其不誣也是故以乾河為斷而界反多歧以喬店而斷而界乃立判以兩志並載之地實兩縣分界之處其理易信而其言足徵又何疑乎抑更有請焉荔之援以為據者既皆信而有徵渭人獨起而爭之不知亦有徵冊足據乎檔案足據乎或不必要徵冊檔案而別有足據乎此案實自彼發之倘竟茫無依據何得平地起波如並非託之空言可否飭令檢查齊全與卑縣開呈各案並籤駁登覆之件對觀而互證之不必查勘河形其義自出

續修大荔縣志存稿

足徵錄卷二

文徵

十一

陝西省印刷局承印

惟卑職不敢堅執成見亦大足折服合邑紳民之心理合將地界各據並籤駁登覆情形附呈清摺統希鑒核

致曹績堂太守公函詳辨荔渭交界論荔確有可據書

周銘旂

本月初九日接奉憲台照會並抄寄會勘荔渭交界稟稿令即查照等因又同隨員李令函論詳詳莫名欽佩當因與日前隨勘情形尚多未愜且疆域所在糧賦攸關不敢稍涉遷就除稟晰層台外業經申覆倉卒間未道其詳敬再縷細陳之查同治四年招佃叛產兩地鄉約指界原無差謬乾河為界之說向無明文渭志載蓮芍故城東界大荔亦未指稱何所乾隆間荔令設有界碑只就來化鎮東一隅畫分道路藉此謂自南而北十餘里均依該河為據則喬店昆連兩界實居該河之東荔人反得執此但為荔有之證渭人知其然也故

堅以忽斷忽連之沙窩水道指為乾河則喬店等村叛產皆河西地並孝義鎮東及楊村寨軍民正賦不難非其有而取之使盡歸於渭然銘旂嘗隨勘其地界碑而南不數里沙堆突起中橫高嶺亦憲台與隨員所親見者東望龍池菴青池諸村河勢宛然迤邐西南而下經新蘭村之北仁義村之東歸西李村東門外澇池土人曰此沙水渠也雨後汪洋稍旱則涸旁有永濟橋乾隆年建今圯矣碑志尚存渠之名載其上確與乾河無涉乾河則從郭家村西南環繞喬店等處之西北而南至孝義鎮東俗名石家河是也故址猶存源流各判烏從而假之夫渭荔交涉之地其大要不在乾河而在喬店以乾河為界則不便於渭以確非乾河之沙水渠為界則大不便於荔使荔不有喬店則已喬店既得為荔有不言乾河可也即不辨沙水渠非乾河亦可也喬店載渭志亦載荔志其南曰禹家即于家亦載荔志禹于皆回民著姓故以名其村而歸荔詞訟檔案又多稱禹家故禹家實隸荔不虛也又東南曰禹家新莊一名仁義村村之東曰公義村皆荔屬仁義村禹于氏之子禹四兒咸豐五年被傷殞命案歸荔結十年公義村勸設義學董事者為禹雲興其他可據案卷不勝計亂前紅冊內載喬店文成平良二里糧名除底家莊在渭河南被渭民侵佔一項八十餘畝尚未查清不計外其餘墟地八十餘頃之多查前摺開地數二十餘頃只就鐵李等整名言之此外零星花戶尙夥由是言之以喬店等村但屬渭不屬荔然耶否耶渭人再三駁詰不得其說乃突稱魏萬春者別指有喬店新莊渭志載喬莊即此大荔志載有喬店非喬店新莊也禹家而外不妨有禹家新莊喬店而外何妨有喬店新莊有禹家新莊而禹家不妨為荔有有喬店新莊而喬店何妨為荔有况銘旂單騎往查並無其地一片瓦礫中間係

回民成兒莊遺址將以此實荔志之所謂喬店者勿論稱名各別荒僻鄉陬四面皆沙紅冊內所載喬店一帶實數十頃墟糧從何歸落彼魏萬春者倘有其人可執而辨其誣矣且謂咸豐間鐵李村建有義學亦不無疑竇豈不曰該村居喬店界路東渭既建學其地則荔將不得分喬店而有之然荔之人知有喬店不知有鐵李村知鐵李兩姓列喬店糧冊內不知與喬店別為一村渭志有鐵李村名而其地又實處喬店胡不喬店連類及之乃考其臚列之次中隔魏家等共十村抑獨何也豈別有該村其地兵燹後村落為墟因喬店鐵李姓而附會其說歟然銘旂不敢臆斷又不能誣指碎瓦頽垣以實之但附近鄉耆僉云當日喬店鐵李姓甚衆靡從詳其居址意建學則有之特未必確在路東且卷宗內並未著有坐落不得空以敗壞莊基六間為定評也又况荔邑糧賦隨時變通嘉慶二十四年尙由渭

續修大荔縣志卷之二 文徵 十二 陝西省印刷局印

改撥地四十六畝零有明嘉隆間諸多增減今皆莫考其處以是推之亦可見渭人所據天順天啓年廟碑不盡可恃所爭顧不在此姑置之惟就目前情形權其要領請出一言剖決之喬店專屬於渭抑係兼屬於荔不須一再查勘大局瞭如指掌否則汲汲以河形為斷反復相度聚訟紛如以乾河為界喬店實處其東荔人將不顧其不便於渭以確非乾河之沙水渠為界喬店實處其西渭人且不顧其大不便於荔則是志書不足憑遠年糧簿不足憑荔人世守之業一旦改而歸之於渭彼處其贏此處其絀而八十餘頃田賦舊額將來向何地征輸責何人完納此尤不得不預為籌之者也唯憲台平心

祭餓斃災民文 五月五日 周銘旂

嗚呼胡天不弔降此奇荒無小無大卒底滅亡生居何里死隸何鄉

爾丁其厄我貽其殃爾有父母莫藝稻梁爾有妻子莫糜糟糠孰撫恤爾胡夷胡瘡孰綏輯爾胥虐胥戕轉爾溝壑似稚且狂棄爾道路旋走且僵或流異域居址莫詳或埋故土氏族不彰雖盡不壽是幼皆殤亦有餓殍齊力方剛何遠何近為儒為良幽台慘淡曠野淒涼嗚呼已矣夫復何望上失其道民敗厥常譬彼拯溺淪胥以喪譬彼救焚燎之方揚昔遭鵠部惡饑熾張生民塗炭慘虐斧戕塵飛大海又閱滄桑積骸成莽當道豺狼天監在下日迪民康既旱而雨轉飢為穰逝者不復泉路茫茫啾啾夜哭向隅一方豈無桀黠犯罪桁楊豈無悖逆盜兵池潢蚩蚩愚昧餓迫首陽燐青血碧夕火分光天中落寞地下踉蹌五絲孰續命也莫償竹筒纏綵菰米沉香汨羅憑弔今古同傷病徒求艾醉不泛萑幾經節序誰顧蒸嘗或蒸為疫於診宜穰藉茲惡月以被不祥勿憂楚餒聚族俛俛勿驚鄭厲舉國皇皇

續修大荔縣志卷之二 文徵 十四 陝西省印刷局印

續編

書明劉奇烈先生傳後

段紹印

儒生而同帝王之心韋布而殉君國之難此誠奇男子烈丈夫之所為而後之人景仰前徽發潛德之幽光者莫不共美其烈之奇惜猶未知其烈之所以奇也夫士人抗心希古不過忠孝大節耳而先生之忠孝大節特以烈而成其奇願自明季至今二百餘年表揚者何俱未之能及耶或曰當逆闖入關時人皆聞風駭散先生以一介書生誓以死報國齋沐恭謁

聖廟泣告

先師焚其衣冠即慷慨投繯以逝是其烈以忠而奇也或曰先生將就義託孤於冢室党氏俾延先代一綫書香故今日奉劉氏蒸嘗者皆先生所留貽是其烈以孝而奇也或又曰先生手刃其妾雷氏與六歲幼女恐他日化離遭強寇逼蓋不惟全己之貞並欲全其妾與女之貞是其烈又以節而奇也而予以為皆非至奇所至奇者在先得帝心之所同然耳考明史甲申三月十九日闖逆陷京師莊烈皇帝遣送太子及永王定王於周田外戚家令皇后自盡劍擊長公主遂自經於萬壽山遺詔不用衣冠以髮披面而崩嗚呼烈矣夫莊烈皇帝亦安知世有奇烈如先生者哉然而先生託孤冢室之心即明帝遣送太子二王之心也先生手刃妾女之心即明帝令皇后自盡劍擊長公主之心也先生焚其衣冠恐玷宮牆無顏以對聖賢即明帝不用衣冠以髮披面羞見先皇帝於地下之心也先生為殉君父

續修大荔縣志存稿 尺徵錄卷二 文徵 十五 陝西省印刷局印

自經於讀書樓中即明帝為殉社稷自經於萬壽山之心也嗚呼烈矣而又奇矣特是時隔數十日之久地隔數千里之遙帝閣如在天上小臣伏處草莽願何以臨變自裁志決身殲儒生之死君與帝王之殉國上下同心不謀而合竟無一事之不相符哉故予之奇先生不奇先生之獨烈惟奇其與莊烈皇帝之同烈也抑予更有感於先生焉先生嘗承平無事時不過碌碌一諸生耳及一旦事出驚人遐邇傾心浩氣壯河嶽之色精魂結明主之知細常振一代之衰俎豆享千秋之祀於是歎先生之忠孝大節固以烈而成其奇要不若與明帝同心之為尤奇也雖然事固至奇而理則至常斯亦天理民彝之不可泯滅者矣入 國朝以來葉映榴奉

命督學同州晉謁先生祠自題匾額有志士仁人之目後亦捐身殉難於南方豈非感先生之奇烈而興起者與近有朝邑劉際清照清

兄弟富而好義者也親先生祠宇將傾頽慨出千金修葺增其廊廡煥然更新則亦奇矣今其裔孫思恭之繼室魏氏因孀居無子青年矢志守貞亦捐膏腴田二十畝以供春秋祭享之需斯更奇矣予自解組歸里假館於先生之祠教授生徒暇時披閱邑乘及先生事蹟書籍並諸名公碑記額聯無不頌美先生之奇烈而予謂猶未盡其烈之所以奇也故不揣固陋而書此於傳後云

觀風告示

翰林 張祥齡 子觀四 川人

照得四科教備學術與道德並隆三載賓興氣運與文風相繫欲諗民情先覘士習為儲榘榦宜育菁莪况

國家書院之設培植羣英亦云至矣挺生名臣其在斯乎惟茲荔邑近附郡城馮翊舊區秦川勝地南瞻華嶽平挹蒸雲北控長城遙鍾秀氣洛河浩瀾波光倒映樓臺沙苑清和烟樹盡歸圖畫碑傳唐代

續修大荔縣志存稿 尺徵錄卷二 文徵 十六 陝西省印刷局印

褚遂良之大筆如椽賦記白樓令狐楚之文心似錦李端甫乃進士及第早擅詩才游子遠為光祿大夫獨稱忠諫心潛康節之學王湜不愧真儒才齊叔業之名文通儼然雅士要皆輝煌乎史冊豈特焜耀乎鄉邦溯彼先型每深翹企念茲繼起恆藉引伸積厚者流必光行見天開文運地靈者人自傑應將輩出英才本縣叨宴杏林忝膺花縣非敢誇芝蘭世第詎妄希桃李公門獨念政教開先必資取士文章好尚猶在觀風為此示諭閭邑貢監生童知悉定於某月日在考院局試爾多士屆期齊集聽候點名廉俸自捐別示優獎想學既裕於三年長可盡於一日或溯本窮源如韓潮蘇海或含華佩實如松幹柏柯文藝原根乎器識宜自抒珠玉之詞立名必本於砥行庶可備翰軒之採賞心不遠拭目以觀勵爾前修副予厚望特示

創建多忠勇公祠碑記

余庚陽

從古國運中興天必篤生將材削平禍亂其捍衛生民非僅一方所感戴而一方之受恩極渥者其感戴爲尤殷我朝二百餘年列聖相承湛恩汪濊周洽寰宇不意蠢茲粵賊倡亂跳梁捻匪因而繼起回逆亦變於關中厥有多忠勇公始從官秀峯中堂勦辦粵賊之酋陳玉成外號四眼狗者最爲剽悍蹂躪數省經公痛擊窮蹙投營伏誅曾滌笙侯相乃得以專力攻克金陵嗣捻匪竄陝公整旅黏追武關一戰該逆乃敗竄出關遁去維時適值回逆肇亂華州陝省回衆紛紛響應公乃率師進駐同州之羌白勦辦數月聲威遠震同治二年九月督隊西進雷轟電掣掃淨逆巢數十處餘孽向甘省遠遁旋因藍逆盤踞整屋公身先士卒晝夜圍攻乃城南克復而將星遽隕矣嗚呼向使無公則秦中之孑遺尙復有幾然公不遽逝而竄甘之游魂豈能延喘以至於今則以一身繫秦中之安危者以公爲獨著陝

續修大荔縣志卷之二 文徵 十七 陝西省印刷局承印

歿而粵賊旋即盪平捻匪亦以次殄滅邇日元戎仗鉞恪秉廟謀式張捷伐甘省餘孽被圍已同釜魚指日即可殲淨似此吉語頻報想公在天之靈已舒遺憾且必有深慶夫國運之中興者從此春秋享祀永保生民馨香百世固即此而可卜矣斯祠之建經始者爲保升知府前任大荔縣現回本任楊潤生太守戴事者爲同知銜前署大荔縣高雋生司馬其勸捐經費總理監工各紳士暨慷慨捐資紳士商民之銜名姓字並其捐數則以另碑刊列用彰義舉是爲記

重修大成殿暨各補修工程記 同州府知府 英 琦

竊維國家自京師至各省會下逮府廳州縣必重建修文廟原以聖聖相傳之教至洙泗而集其大成特隆祀典以追崇之方今西國各自爲教佛教景教希臘教無論已彼天主教耶穌教行於地球者且十之五六惟我中土涵濡聖教淪肌浹髓崇祀至聖先師自漢唐及今歷傳千萬世而無可以移易者也同州府文廟經五代馮道改建以後宋元明重修年月皆有碑碣可考至同治己巳前太守余葵階勸富紳李君景福出家資重修迄光緒乙巳秋八月未四十年大成殿忽燬於火周圍牆壁皆磚烈燄自上四起無從撲救竟至一椽一瓦盡成灰燼時余承乏同州與大荔陳崑石大令亟議籌修深慮鉅款無出陳令適查得邑之命婦趙劉氏前年捐銀二千兩獨修節孝祠稟縣有案因延紳董前任長安縣訓導負君錫庚奎文閣典籍陳君映謙候選府經歷魏君昶清舉人張君綬東並縣教諭馬啓瑞同往商勸據趙劉氏樂於從命自謂家無餘資願貸捐銀八千兩獨修大成殿嗣以崇聖祠文昌宮年久失修風雨莫蔽圍牆亦多坍塌並殿之前後兩廡名宦鄉賢尊經閣明倫堂亦需補修續捐伊先姑命婦趙李氏遺留銀一千兩陳令遂與負紳四人馬啓瑞商議會辦府

續修大荔縣志卷之二 文徵 十八 陝西省印刷局承印

教授曹良模府訓導宋甲第縣訓導吳克襄兼理工程經陳令批准該紳即於十一月書單招致良工巧匠並大木巨石應用各料以故遠方匠商來集不能把持居奇皆以公平價值購僱安定本年二月先撤除瓦礫灰土卜吉三月初四日興工十一月告竣余與陳令親詣勘驗正殿規模增高木料加大殿內煖閣雕刻盡美供桌片石堅砌以外補修大房一百間添用琉璃筒瓦脊獸一萬餘數木料朽壞者更易之牆垣傾圮者興築之丹腹剝落者亦一律繪畫維新舉廟內廟外凡有可以修整者皆巨細靡遺所謂一舉而三善得焉者其趙劉氏是與夫趙劉氏以巾幗女流除捐修節孝祠外獨捐銀九千兩修理文廟各大工較昔之李君景福出貲重修有舊木瓦可藉其難易更多不同苟非深明大義仰嗣徽音有心尊崇聖教者曷克臻此然亦非陳大令委任得人各教職紳董清白自勵薪水分毫不染

續修大荔縣志存稿 足徵錄卷二 文徵 十九 陝西省印刷局承印

始終辛苦幾滿一年俾銀兩盡數用入工程內恐修理亦不如此之完全周到不留缺陷也抑余更有望焉同州為左輔名區前明關中入閣自大荔馬文莊公始國朝相繼入閣者三人如王文端公王文恪公閣文介公皆籍隸同州為一時賢宰相豈非太華洪河之靈秀盡鍾於同州一府乎今日而後惟願此邦人士春秋釋奠瞻廟貌之巍峨慨聖教之浸微惕然於國勢之不振由懼生奮勃發其忠愛之心以中學為主以西學為輔求勉為今日之通才一旦見用於朝舉內政外交措施各當將見人才盛則國運昌我至聖先師之教自炳然如日月之麗中天彼教雖多皆燭火耳此則邦人士之幸即余與同事諸君子亦俱有榮施已是為記

重修節孝祠記

陳潤燦

荔邑之東街舊有節孝祠其石碣首刻唐太宗才人徐惠妃次即其

女弟為高宗婕妤好蓋因其為天子之妃其才既見勞民之疏諫其節即寓於連珠之詩詞洵足為眾節烈之冠而樹厥風聲也自唐迄今才女雖不數覩而以節著者亦不下四百六十餘人嗚呼盛矣第是祠由來已久乾隆丁未歲經賀君雲鴻重新之百餘年來風雨飄搖房屋傾圮幾不足以慰幽魂而勸來茲癸卯夏余蒞斯邑觀之恍然即欲修葺奈乏款項不果忽紳董黃君錫庚張君樹樞陳君映謙張君福慶具稟前來稱富紳趙步雲奉其母劉宜人命願以白金二千兩重修祠宇與余心適相合遂允其所請並令擇日動工工竣除支餘銀三百兩發典生息為每歲祭祀及年久繕修費又請驗工余視其規模魏煥較昔迥殊祠之前增構捲棚一座東西偏各構廊房三間牆用磚砌取其堅屋加丹腹取其新木料易精良姓名俱石刻取其久且遠壁間有座座上有龕位置井井美矣善矣嗟乎烈女之難

續修大荔縣志存稿 足徵錄卷二 文徵 二十 陝西省印刷局承印

苦一生猶得血食萬代雖未能如徐氏以上承帝王之寵召而大節不虧自足邀國家旌揚之典分春秋俎豆之香然非諸君之急公好善趙氏之仗義疎財烏能享祀妥侑乎既而貧君詣府持石刻一紙自敘其大略復乞余為記余素不能文又疲於案牘顧念諸君之誠趙氏之德不惟俾此四百餘人之靈爽有所式憑後之矢志柏舟者亦且有所感發興起矣此余實有不能已於言者爰掇其事以誌其巔末云稟請宋儒呂與叔從祀文廟稟 光緒十九年 李志復 聯生 正月 敬稟者為宋儒呂大臨道學純正有功聖經堪以從祀文廟稟請具

奏事竊以宋儒呂與叔先生名大臨者為藍田四呂之一初從

橫渠張子後乃師事程子當時與謝上蔡楊龜山游定夫稱程